



## Universitätsbibliothek Paderborn

**R. P. Pauli Segneri Societatis Jesu Brevis Vitæ Historia  
cum ejusdem Concordia Quietis & Laboris in Oratione,  
Expositione in Psalmum Miserere, Considerationibus de  
Inferno, Expositione Cantici ...**

**Massei, Giuseppe**

**AUGUSTÆ Vindel. & DILINGÆ, 1707**

**VD18 12383155**

cap. 9. An ad Contemplationem Mysticam necessarium sit suspendere exercitium Voluntatis non tantùm in oratione, sed etiam interdiu, cavendo, nè excitentur affectus repetiti devotionis, ut non ...

[urn:nbn:de:hbz:466:1-47773](#)

## Caput IX.

*An ad Contemplationem Mysticam necessarium sit suspendere exercitium Voluntatis non tantum in Oratione, sed etiam interdiu, cavendo ne excitentur affectus repetiti devotionis, ad non amittendum obtutum fixum?*

## I.

**S**uperest nunc ut videamus, quid sentiendum de suspensione affectuum, quos elicitos dicimus; hoc est, à nobis procuratos. Aliqui enim non contenti damnare in Contemplatione exercitationem facultatis Imaginatricis, & Intelligentis, progrediuntur etiam ad improbandos illos actus, qui Voluntatis sunt; & commendant studiosè, ut hæc maneat penitus quieta, non excitando proprio conatu affectus ferventiores, sed expectet donec DEUS ipsos manu quodammodo sua commoveat, & flatu eorum Organa animet.

An, qui ita se gerit, rectè agat, aliorum esto judicium. Ad me quod spectat, caverem ego magnopere ejusmodi præsidentiam: etsi enim ratio postulat, ut nemo non à DEO desideret dona & habitus infusos, non tamen id de actibus intelligendum, qui ab ejusmodi donis pendent. Actus nostros vitales esse oportet, & nequaquam tales, quales sunt Organorum pneumaticorum, qui follium duntaxat operâ producuntur. Et idcirco, sicut si DEUS in Oratione infunderet nobis actus Phantasie, aut actus Intellectus, non nos essemus, qui imaginaremur aut inteligeremus, sed potius esset DEUS; sic DEUS potius esset, qui amaret, non autem nos, si etiam ipse nobis infundere

ret

ret actus amoris. Hac autem ratione quid tandem nos premereremur?

Possumus nos in Contemplatione pati tantum divina, quantum ad vim ac potentiam eorum auxiliarum, quibus DEUS facultates nostras corroborat, Phantasiam, Intellectum, Voluntatem, communicando spiritum vehementissimum. Non tamen possumus ita pati divina, quantum ad actus ipsos, qui à nostris facultatibus debent procedere. Hi enim etiam nostri sint oportet: alias pro ejusmodi actibus non plus præmij & gloriae nobis deberetur, quam Organis pneumaticis debeatur pro sonis illis artificialibus ac harmonicis.

Pauci tamen erunt, qui hac intentione ad Orationem accedant: hæc enim temeraria magis foret quam salutaris. Et ego, quod ad me attinet, mallem equidem in arbore fructus ex ipsis ramis ejus natos, quam aliena manu ex casu suspenso, et si sic suspensi pulchriores essent ibi natis.

Plures dicent, id agendum voluntati initio, ut conjungatur DEO, ubi tamen aliquando conjuncta fuerit, ut aliud non cogitet. Sufficiat ipsi manere sic conjunctionem, quin se identidem excitet actibus ejusmodi, quibus illam conjunctionem est consecuta: hoc enim non est aliud, quam se ipsam turbare.

Hoc est se ipsam turbare & interpellare? credo equidem si de iis loquamur, qui verè gaudent tali conjunctione, qualis illa est, quæ hæc fingitur, altissimæ Quietis: sed in hoc rei cardo est, quod hæc & rara sit & paucorum. In Apoc. 8, 1. ipso adeò cælo silentium fuit mediæ horæ: *Factum est silentium in cælo, quasi mediâ horâ.* Et cur hoc? ut innotesceret, quam brevis sit quies Contemplationis inter mortales. Consulamus S. Gregorium. *Cælum est anima justi* sic ille loquitur,

loquitur, cùm ergo quies contemplativa vita agitur in mente Super silentium fit in cælo: quia terrenorum actuum strepitus quietus Ezech. scit à cogitatione, ut ad secretum intimum auris animum ap- hom. 5. ponat. Sed quia hec quies mentis in hac vita perfecta esse non potest, nequaquam horā integrā factum in cælo silentium dicitur, sed quasi mediā horā: ut neque ipsa media hora plenē sentiatur cùm premittitur, quasi: quia mox ut animus se sublevare cæperit, & quietis intimæ lumine perfundi, redeunte citius cogitationis strepitu, de semetipso confunditur, & confusus cœcatur: Quænam igitur mentes istæ sunt, quæ mortali hæc in vita gaudent quiete tam insolita, cuius generis ea est, quam necesse non esset identidem integræ horæ intervallo sensim adjuvare & animare? Æmulæ sunt istæ orbiū cœlestium, & superiorum quidem, ac longè supra ceteros eminentium; quin ipsius adeò cœli Empyrei.

Et tamen documentum istud usque adeò jam invaliduit, ut non defuerit qui scripto asserere auderet, primum illum actum in oratione excitatum, sufficere non solum pro tota hora, sed etiam pro tota relqua hebdomade, atque idcirco sensum tantum oblectamenta eos sectari, quicunque studerent interdiu novos elicere actus, quibus se aut D E O dedicarent, aut illum revererentur, aut gratias agerent, laudarent, de admissis dolerent, se abjicerent, aut aliquid peterent; perinde ac si repetiti ejusmodi actus ad aliud servirent nihil, quæ ad turbandam puritatem actus illius spiritualis, ad quem pertingit, quisquis, tanquam Homo verè internus, aliud non cogitat, quæ ut vivat quietus in Fide.

Sola doctrinæ ejusmodi novitas sufficere mihi videtur ad eam damnandam; cùm rectâ impugnet usum Orationum jaculatoriarum, qui tamen, Cassiano teste, tantâ concor-

Q

concordiâ à cunctis Eremi Patribus probatus est, quin id  
circo Contemplativi esse desinerent: imò qui tanto jam  
olim studio commendatus fuit à S. Augustino in sua ad Pro-  
Epist. 121. bam Epistola de Orando DEO: an non ipsissima hæc ejus

c. 9. verba sunt? Ideo certis horis ad negotium orandi mentem re-  
vocamus, nè, quod tepercere cœperat, omnino frigidetur? Mox  
antiquos Ægypti Patres laudando ita pergit: *Dicuntur Fra-  
tres in Ægypto crebas quidem habere orationes, sed eas tamen  
brevissimas, & raptim quodammodo jaculatas, nè illa vigi-  
lanter eretta, quæ oranti plurimum necessaria est, per producti-  
ores moras evanescat, atque hebetetur intentio.* Et nōnne  
hoc ipsum est, quod aliqui nobis dissuadent, dum id spe-  
ctant, ut nos hodie faciant vivere in sola Fide, perinde ac  
si omnes actus, quæ huic adjunguntur sint actus inutiles?

Sed fortassis S. Augustinus cum aliis illis solitudinis  
inquilinis minus doctis, non tantum profecerant, ut cum  
hujus ætatis Doctoribus perpenderent, sicut ineptum est,  
cum quis Principi aliquando donavit gemmam aliquam,  
identidem illi iterum ad naufragium inculcare. *Princeps, ego  
hanc tibi gemmam dono: Princeps, ego hanc tibi gemmam dono:*  
jam enim primo illo actu satis illam donasse intelligitur;  
sic qui semel DEO donavit suum cor, ab re esse, si donum  
non revocat, illud denuò ipsi donare velle.

Sed quæ tandem Comparatio minus ad rem facit?  
si illa idonea est, oportet Ecclesiam tandem desinere toties  
interdiu repetere illud. *DEUS in adjutorum nūcum inten-  
de &c. DEUS in adjutorium meum intende &c.* Si enim id quis  
cum Principe aliquo ageret, & septies illi interdiu in me-  
moriam revocaret, ut opem suis in necessitatibus ferre ne  
gravetur, utique is tandem septima vice tantum non baco-  
do faceſſere juberetur: usque adeò ſimilium repetitio actu-  
um apud

um apud homines non importuna tantum esset, sed cum recta ratione pugnans.

Ad hoc proinde animum advertere oportet, hanc nostri dedicationem DEO factam non repeti (ut isti sibi persuadent) cofine, ut DEO notus sit noster animus, ejus nos obsequiis addicendi: jam enim ejusmodi intentio, si retractata non fuit, ipsi est notissima per primum actum: Repetitur tamen: ut nobis id in memoriam revocemus, quod primò est actum. *Ideo per certa intervalla horarum* Ibid. etiam verbis rogamus DEUM, ut illis rerum signis nos ipjos admoneamus. Ita S. Augustinus pronuntiavit. Idcirco quisquis ita stabiliter conjunctus DEO est, ut auctibus ejusmodi repetitis conjunctionem hanc non promoveat, sed turbet potius, is in hac conjunctione perseveret, haec enim illi sufficit. Sed quam pauci inter mortales sunt, qui tantam conjunctionem consequantur; cum ne illi quidem Sanctissimi Eremi incolæ ad illam ausi sint aspirare? Vita contemplativa si suis res momentis libratur, perpetua quodammodo lucta est spiritus, qui DEO suo frui concupiscit, cum corpore, quod illam impedit: Ita censuit S. Gregorius. *Anima cum Contemplari DEUM nitur, velut in quodam certamine posita, modò quasi exuperat, quia intelligendo & sentiendo, aliquid de incircumscripto lumine degustat; modo succumbit, quia ex degustando iterum deficit.*

Quomodo igitur Spiritus in tam difficiili pugna sic potest superare corpus, ut illi porro non cedat? Multum erit, si identidem vires resumat ad vincendum adversarium. Et hoc est, teste S. Thoma, quod auget summam, quam Spiritus in Contemplatione DEO conjunctus percipit, 2.2 q.100  
vo. a. 7. ad 2.

Q 2

Hinc

Hinc et si S. Franciscus Salesius pro Venerabili vidua de Cantal probaverit doctrinam, non repetendi multos actus considerata difficultate longè majori, quam ipsa experiebatur ad se conjungendam DEO, quām ad tuendam conjunctionem obtentam; multæ tamen valde sunt illæ, quibus documenta prorsus diversa suis in literis dedit. Imò solebat ipse plerumque animabus etiam Sanctis, quas regebat in spiritu, præfigere certum numerum aspirationum, quas vocabat amorosas, certo temporis intervallo eliciendas. Cūm probè intelligeret vir Sanctus; ignem caritatis non nisi tunc obtenturum quietem propriam, cūm stabilem in cœlesti sua sphæra locum fuerit affecutus. Quamdiu autem his in terris exul manserit, majori quiete eum non gaudere, quām cūm sursum enititur. Et ita ipse profecto paratum quotidie habebat subsidium similium aspirationum, quas desumebat ex argumento, de quo manè erat meditatus, ut per has identidem anhelare ad DEUM posset.

S. Teresia an non hortatur omnes, quicunque Orationis studio tenentur, ut quinquagies per diem sui oblationem DEO iterent? Non tamen mihi persuado, voluisse illam hâc doctrinâ cujusquam quietem interpellare. Et verò quomodo potuit velle interpellare, aut impedire, si affirmat, illis, qui ad supremum Conjunctionis cum DEO gradum pertingunt, quem ipsa Matrimonium spirituale appellat, minùs facere non licere, quām ut quotidie multas exhalationes amoris erga ipsum DEUM emitant, quales essent: *O vita vita meæ! O salus! O spes:* aliaque similes, quæ vi quadam ex imo cordis erumpunt.

S. Bartholomæus Apostolus centies de die & toties noctu procumbebat in genua ad certum quemquam honoris DEO

Mans. 7.  
c. 3.

DEO debiti actum repetendum, in hoc non animi tantum sui, sed & corporis quietem reponendo. De sancto autem Rege Davide non ignotum, septies interdiu solitum repetere illas DEI laudes, quas jam semel DEO exhibuerat: *septies in die laudem dixi tibi super judicia justitiae tuae.* Tam *Psal. 118.*  
*v. 194.* non sat's illi erat prima intentio semper illum laudandi.  
*Semper laus ejus in ore meo.* Nimium quantum intra nos ponderis habemus à natura nostra destructa, quod sufficiat ad animum nostrum deorsum trahendum, nisi (ut in machinis horologis fieri assolet) identidem ea pondera sursum trahantur. *Corpus, quod corrumpitur, aggravat animam,* & *Sap. 9. 5.* *terrena inhabitatio deprimit sensum multa cogitantem.*

## II.

**Q**uid juvat igitur hunc in finem afferre S. Thomam; quia ille docet, voluntatem tendendi ad ultimum finem non ideo cessare, etiamsi non continuò renovetur? *1. 2. q. 1.* *a. 1. ad. 2.* Verum est, illam non cessare, distrahitur tamen nonnihil alio, debilitatur, & idcirco, dabo etiam, quod ejus renovatio non sit necessitatis (quod solum eo loco intendit S. Doctor) non ideo consequens est, quod etiam nullius sit utilitatis. Qui Romam profiscitur, stultus esset, si brevissima per intervalla tacite secum missitaret: *Necesse est ire Romam.* *Necesse est ire Romam.* Naturale enim illud desiderium, quo fertur ad videndam denuo urbem Mundi Reginam, satis per se hoc ipsi in mentem revocat. In re autem nostra similem instinctum reperire non est. In hac enim evanescit intentio, aut saltem hebetatur, ut ajebat S. Augustinus, nisi restauretur. Omnes nimium quantum propendemus ad infima, quantumcunque intendamus ire ad supera.

Q 3

Rom. 7. supera. *Condelector legi DEI secundum interiorem hominem:*  
 22. *Video autem aliam legem in membris meis repugnantem legi  
 mentis mea, & captivantem me in lege peccati.*


Idcirco ut multa paucis complectar. Habeat sanè Anima grariam vivendi semper in tam arcta cum DEO coniunctione, ut respectu ipsius superfluum sit dirigere versus eundem identidem jacula ferventissimorum suspriorum (quæ si ita loqui fas est, sunt totidem impetus, totidem conatus, atque impulsus; per quos ipsa rumpere tentat vincula, quibus innodatur) quomodo tamen ulla ratione damnari potest, ut avidum solatij alicujus sensilis agmen tam numerosum Sanctorum, qui nullo non tempore professi sunt, se illis summo cum animi ardore usos fuisse?

Si hoc est adhærere sensili, necesse erit, ut & Ecclesia decernat tollere atque abrogare tam multas exercitationes pietatis, quibus studet pellicere Animas ad DEUM; eò quod istæ nimium quantum præjudicent cuilibet, qui statuerit vivere in puro spiritu. Quid ad rem concentus Musici? Quid supplicantium Ordines? quid preces? quid ad rem libri sacri? quid ad rem, profiteamur apertè, Sacramenta? an non ista etiam sensili suavem escam porrigit? puro spiritui sufficere debet vivere in pura Fide.

Est hæc substantia doctrinæ quorundam, qui præcepta tradunt Perfectionis tam sublimia, ut necesse sit valde attollere oculos, & aciem eorum totam exerere, ut ad apicem usque perspiciendum penetreret. Sed ô quam vereor, nè in tam densa abietum sylva nimis quam pronum sit cœcutire!

Invenio Sanctos nulli operæ pepercisse, ut Sanctitatem magis redderent familiarem, & usu facilem; excogitando cum in finem sexcentas industrias, ut sensibilium semitâ corda

corda ad DEUM perducerent: propterea, quod tali in re amare sensile ut medium, nunquam reputatum sit malum hominibus, ut nos sumus, obnoxii sensui, malum fuit amare hoc ut finem. Donec igitur Ecclesia pronuntiet; pugnare cum perfectione christiana instaurare interdiu suavititer affectus pios amoris DEI, oblationis, obsequij, cavelbo diligenter ne fidem habeam audacter sic scribenti. Hoc est relinquere fontem pro rivulis; obtutum inquam fixum in DEUM, pro aliquibus leviculis affectionibus, quae ad aliud non servient, nisi ut deflorent pietatem. Credam potius, sic loqui idem esse ac conari abducere nos à rivis, qui sensim ad fontem perducant.



## Caput X.

Ostenditur, quam arbitraria sit lex, quam afferitur, quod sine Contemplatione nemo quisquam pertingere possit ad perfectionem; consequi, nimirum finem precipuum, qui per Orationem queritur.

### I.

**A**paret igitur, tam leges, quae spectant ad objectum Contemplationis, quam quae pertinent ad modum contemplandi, prout ab ipsis afferuntur, plurimum habere de arbitrio. Plus tamen de hoc videntur mihi illæ participare, quae ad Finem Contemplantis referuntur.

Finis hic est, pertingere ad perfectionem. Et quoad hoc recte omnino res habet. Sed quid necesse est addere: quod, si pauci ad metam Christianæ perfectionis pertingunt,